

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Suliarinneqataasinnaannginneq pillugu malittarisassat**

**Imm. 03 Sisimiuni Ilinniartitaanermut Immikkoortortami aningaasaqarnermut nalunaarusiaq, 2017-imi aggustip naaneranut**

**Imm. 04 Maniitsumi Ilinniartitaanermut Immikkoortortami aningaasaqarnermut nalunaarusiaq, 2017-imi august-ip naaneranut.**

**Imm. 05 Suleqatigiinnissamut isumaqatigiissut – suliap ingerlateqqinneqarnera**

**Imm. 06 Meeqqat atuarfiini anguniakkat**

**Imm. 07 Meeqqat atuarfiini suliniutit**

**Imm. 08 Meeqgerininni ullup-qeqqasiortitsinernut 2012-imiit 2016-imut atuisunt akigititamut Hotel Sisimiunut akiliinikippallaarsimaneq pillugu paasisstissiissut**

**Imm. 09 Qeqqata Kommunianut Kukkunersiuisut nalunaarutaat nr. 26**

**Imm. 10 Atuartut angerlarsimaffiata illutaanik attartortitsinermut isertitat missingersuutaat**

**Imm. 11 Tamalaat**

Ataatsimiinneq aallartippoq nal. 08:45

*Peqataasut:*

***Siumut*** Evelynn Frederiksen, Ruth Heilmann

***Atassut*** Anna Karen Hoffmann

***Partii Naleraq*** Malene Ingemann

*Nalunaaruteqarlutik peqataanngitsut:* Frederik Olsen, tullersorti Gedion Lyberth

*Nalunaaruteqaratik peqataanngitsut:*

**Ataatsimiinneq naammassivoq nal.**

**Imm. 01. Oqaluuserisassat akuerineri**

**Aalajangiineq**

- Innersuussut akuersissutigineqarpoq

## **Imm. 02 Suliarinneqataasinnaannginneq pillugu malittarisassat**

### Tunuliaqutaq

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap siulittaasuata kissaatiginikuuaa, sulianik suliarinneqataasinnaannginneq pillugu malittarisassat ataatsimiititaliamut saqqummiunneqarlutillu eqqartorneqassasut.

### Maleruagassatigut tunngavissat

Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq

Kapitali 2 (§3-6) suliart suliarineqartarnerat pillugu inatsimmi suliarinneqataasinnaannginneq pineqarpoq.

### Pissutsit atuuttut

2017-imi apriliip 28-ani politikerit pikkorissartinneqarnerini Namminersorlutik Oqartussat aqutsinermi inatsit il.il., matumani suliart suliarineqartarnerat pillugu inatsimmi suliarinneqataasinnaannginneq ilanngullugu saqqummiuppaat.

Namminersorlutik Oqartussat siullermeertumik erseqqissaatigaat, sulianik suliarinneqataasinnaannginneq, soqutigisat imminnut assortuuttut pinngorsinnaappata suliarinneqataasinnaannginnertut paasineqassasoq. Taamaalilluni 100 procentimik suliarinneqataasinnaannginnermit 100 procentimik akuusinnaanermut ikaarsaariarfeqarpat, suliarinneqataasinnaannginneq pineqartillugu naliliisoqartariaqarpoq.

Namminersorlutik Oqartussat saqqummiussaanni qupperneq 36-mi erseqqissaatigineqarpoq, ilaasortat tulliuuttut inissisimagunik suliarinneqataasinnaanngitsut

- Nammineq inuttut / aningaasaqarnikkut suliarni soqutigisaqaruni.
  - Suliarni pineqartumi inunnik aningaasatigut soqutigisaqartunik ilaqutaqaruni (aalajangersimasumik aappariinneq ilanngullugu).
  - Ingerlatseqatigiiffiup namminersortup peqatigiiffiilluunniit aqunneqarnerani imaluunniit inuttut qanigisamik attuumassuteqaruni.
  - Imaluunniit pissutissaqartinneqarpat nalornissutigineqarpalluunniit pineqartoq arlaannaannulluunniit atasuunngitsoq.
- Assersuut: qanittumik ikinngutiginneq imaluunniit akerariinneq

Suliarinneqataasinnaannginneq pillugu inatsisit ingerlatsinermut tunngasut pillugit Hans Gammel-Toft Hansen-ip atuakkiiani allassimavoq, suliarinneqataasinnaannginneq assigiinngitsorpassuusut:

- Pingaartumik suliarinneqataasinnaannginneq: suliart aalajangersimasut suliarineqarnissaanni pineqartup suliarinneqataasinnaanisaa pissutissaqartinneqarpat nalornissutigineqarpalluunniit. Sinniisuulluni suliarinneqataasinnaanngikkuni, eqqarlitut suliarinneqataasinnaanngikkuni, ingerlatseqatigiiffiit/peqatigiiffiit ingerlanneqarnerinut peqataanini pillugu suliarinneqataasinnaanngikkuni. Suliarinneqataasinnaannginneq pillugu malittarisassat, pinaveersaartitsinissamik siunertaqarput.

- Suliarinneqataasinnaannginneq nalinginnaasumik: Nalinginnaasumik suliarinneqataasinnaannginneq pillugu annerusumik pinaveersaartitsineq pilersinneqartarpoq; pingaartumik suliarinneqataasinnaannginneq pillugu malittarisassanik unioqqutitsinissamat

pinngitsoortitseqataassaaq. Ingerlatsinermi atorfinni atorfeqartut, ingerlatsinermi suliaminnik suliarinninnissaminut, pingaartumik suliarinneqataasinnaannginneq patsisaalluni suliasaminik suliarinninnissaminut akulikitsumik akimmiffeqartarnissaasa pinngitsoortinneqarnissaanut nalinginnaasumik tunngavissaq.

#### Atuilluartuunissakkut kingunerisinnaasai

Suliarinneqataasinnaannginneq pillugu malittarisassat malikkaanni, ataatsimiititaliani ilaasortat allaffeqarfimmilu atorfeqartut suliaannut apeqquersuinissaq annikillisineqartarpoq, tamannalu atuilluartuunerulluni.

#### Aningaasaqarnikkut allaffissornikkullu kingunerisinnaasai

Suliarinneqataasinnaannginneq pillugu malittarisassat malinneqanngippata, tamanna aningaasaqarnikkut allaffissornikkullu kingunerlussinnaavoq. Inuttut/ilaqutariittut atukkat patsisaallutik ataatsimiititaliap allaffeqarfiullu sulianut, apeqqueteqaatinut misissuinernullu piffissamik atuissappata, politikikkut pingaarnertut anguniakkat naammassineqarnissaannut ataatsimiititaliap allaffeqarfiullu piffissaq atugassaraluat maanaannartinneqassaaq.

#### Allaffeqarfiup naliliinera

Allaffeqarfiup nalilerpaa, ataatsimiititaliani ilaasortat sulisullu illersorneqarnissaateqqarsaatigalugu, sulianik suliarinneqataasinnaannginneq annerusumik isiginiarneqartariaqartoq. Ajunnginnerussaaq suliarinneqataasinnaanngeratarnerluni aperisoqartaruni.

#### **Innersuussut**

Suliaq Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut eqqartugassanngorlugu, paasisutissiissutitullu saqqummiunneqarpoq.

#### **Aalajangiineq**

- Innersuussut tusaatissatut tiguneqarpoq.

#### **Ilanngussat**

1. Pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juni 1994-imeersoq
2. Politikerinut pikkorissartitsinermi Namminersorlutik Oqartussat saqqummiussaata (quppernerit 34-39)

**Imm.03 Sisimiuni Ilinniartitaanermut Immikkoortortami aningaasaqarnermut nalunaarusiaq, 2017-imi aggustip naaneranut**

Journal nr 06.01.02

Tunuliaqutaq

Sisimiuni Ilinniartitaanermut, Peqqinnermut, Sunngiffimmi sammisanut Kultureqarnermullu Immikkoortortaq

Maleruagassatigut tunngavissat

Assersuutigalugu: Qeqqata Kommuniiani karseqarnermut naatsorsuuserinermullu malittarisassat xxx. Ilinniartitaanermut ataatsimiititaliap pisinnaatitaaffiunut tunngatillugu inatsisit atuuttut.

Pissutsit atuuttut

Qaammatit arfineq-pingajuanni atuineq 66,67 procent-imiissaaq.

**Atuiffik 5 – Ilinniartitaaneq Sisimiut + Nunaqarfiit.**

Atuiffik	Atuiffiup taaguutaa	Missing. (1.000 kr)	Tapiissutit (1.000 kr)	Nuuts. (1.000 kr)	Katillugit (1.000 kr)	Atuineq (1.000 kr)	Sinneri (1.000 kr)	Atuineq %- inngorlugu
5	<b>ATUARFEQARNEQ KULTURILU</b>							
50	MEEQQANUT INUUSUTTUNULLU ULLUUNERANI SAMMISASSAQARTITSINIUTIT	44.952	112	-75	44.989	30.073	14.915	66,8
51	ATUARFEQARFIK	79.794	0	500	80.294	53.718	26.576	66,9
53	SUNNGIFFIMMI SAMMISASSAQARTITSINEQ	10.212	0	0	10.212	7.144	3.068	70,0
55	ATUAGAATEQARFEQARNEQ	1.397	0	0	1.397	902	495	64,5
56	KATERSUGAASIVIK	2.146	582	0	2.728	619	2.109	22,7
59	KULTURIKKUT PAASISITSINIAANIKKULLU INGERLATAT ASSIGIINNGITSUT	10.160	0	75	10.235	7.651	2.584	74,8
5	<b>ATUARFEQARNEQ KULTURILU</b>	<b>148.661</b>	<b>694</b>	<b>500</b>	<b>149.855</b>	<b>100.108.115,24</b>	<b>49.747</b>	<b>66,8</b>

**Atuiffik 50 Meeqqueriviit Sisimiut + Nunaqarfiit.**

Ulluunerani sammisassaqartiniutini ataatsimut atuineq 66,8 procentiuvoq.

Atuiffik 50-01-10-mi atuineq 270,9 procentimiippoq. Atuiffik aningaasartuutitut isertitanullu atuiffiuvoq. Januaari qaammat akiliuteqarfuneq ajorpoq. Meeqqueriviit atuinerat 60,0 kiisalu 71,1 procentit akornanni inissisimapput.

Atuiffik 50-01-11 Naalu atuineq 710,4 procentimiippoq: Errorsivitoq nutaanngililluni akissajaataavallaqimmat errorsivittaarput, perusersartarfiit meeqqat inersimasullu atugaat imertaat kuuginnalmata iluarsanneqarput, nillartaatsivillu qerisaleramat iluarsaatsinnikuulluni.

Atuiffik 50-05-14 Nuniaffik atuineq 69,6 procentimiippoq: Internetsi Mikkineq-miinnikoq, Akulleq-miippoq.

Atuiffik 50-05-16 Uiaq atuineq 71,1 procentimiippoq: Eqqiaanermi atortunik annertuumik piniarneq.

Atuiffik 50-06-50 Nuunu Itilleq atuineq 69,6 procentimiippoq: Sulisoq pikkorissarnikuuvoq, taamaattumillu paarlatseqartariaqarsimalluni.

Meeqqeriviit sinneri eqqaasassartaqanngillat.

### **Atuiffik 51 Atuarfeqarfiit Sisimiut + Nunaqarfiit.**

Atuiffik 51: Atuarfeqarfinni, Qeqqani MISI ilanngullugu ataatsimut atuineq 66,9 procentimiippoq. Kommuniip atuarfeqarfiini atuineq 67,4 procentimiippoq.

Pisartakkanut, kopeerutinut skoleinramullu sullissinissamut isumaqatigiissutinut akiligassat ukiup sinneranut atuarfinnut tamanut akilereerput, soorluttaaq pequtit allaffimmilu atortussat assigiinngitsut pisiarineqareersut. Minngortuunnguup Atuarfiani sulisut aningaasartuutitut tamalaanut atuiffik, naatsorsuutiginnisamik aningaasartuutitut atuinera 500,2 procentimiippoq. Biilileriffimmut akiligassanut 164 procentit. Ingerlatsinermi aningasartuutitut allanut atuineq 151,8 procentimiippoq, feriarnermullu tunngatillugu aningaasartuuteqaqqittoqassasoq naatsorsuutigineqarani. Kiassarnermut atuineq 178,9 procentimiippoq.

Qeqqani MISI/ PPR

Atuineq 55 procentiuvoq. Allaffissornermi atugassanut pisiniarnermi atuineq 150,7 procentimiippoq - inu:it-mit kiisalu Kingo-mit sullinneqarneq, misilittaatillu SON R-ip pisiarineqarnera (ataasiartumik akiligassaq).

Oqarasuaatinik atuineq 242,5 procentimiippoq - atuarfinnik oqarasuaatikkut kiisalu Sisimiut avataani PPR-ip allaffeqarfinnik ataatsimiinnerit.

### **Atuiffik 53 Sunngiffimmi sammisassaqaartitsineq**

Atuiffik 53-01-15-12-05: Arctic Sounds Festival-imut atatillugu annerusumik eqqiaasitsisoqarsimavoq.

Atuiffik 53-01-15-12-06: Arctic Sounds Festival-imut atatillugu angallassisoqarpoq, Sisimiut Tusaataatniillu nipilersuutunik assartuisoqarluni.

Atuiffik 53-01-15-15-99: Nipilersuutunik nutaanik piniartoqarnikuuvoq.

Atuiffik 53-01-15-22-01. Ininik attartornermut akiliuteqartoqarnikuuvoq.

Atuiffik 53-06-11-21-40: Uuliamik atuinermut minnaarilluni missingersuusiortoqarsimavoq.

Atuiffik 53-06-18-12-05: Missingersuutit minnaarneqarsimapput (SPS decentral skole).

### **Atuiffik atuagaateqarfik**

Atuiffik 55-02-10-12-99: Bibliomatik-ip nutarterneranut ataasiartumik akiliuteqartoqarpoq.

Atuiffik 55-02-10-12-05: Eqqiaasitsinermut atuiffik minnaarlugu missingersuusiorfigineqarsimavoq.

Atuiffik 55-02-10-10-99: Blæk-it toner-illu ukiup sinneranut pisiarineqarput.

### **Kulturikkut paasisitsiniaanikkullu ingerlatanut assigiingitsunut atuiffik**

- *Ilinniartitaanermut, Peqqinnermut, Sunngiffimmi sammisassanut Kultureqarnermullu ataatsimiititalip oktoberip 2 2017-imi ileqquusumik ataatsimiinneram 07/2017*

Atuiffik 59-03-10-35-99: Timersortartunut akissarsiasanuk kiisalu GM-erianut (U12, U14, U15, il.il.) aningaasartuuteqartoqarnikuuvoq.

Atuiffik 59-03-30-12-05: Missingersuutit minnaarneqarsimapput.

Atuiffik 59-03-30-20-03: Nutarterisitsisoqarnikuuvoq: Natermut renserut, natermut qalliut gummiusoq, assammik arsartartunut mál-it, romaskina, timersornermi atortut.

Atuiffik 59-03-30-21-40 aamma 59-03-30-21-20: missingersuutit minnaarneqarsimapput.

Atuiffik 59-03-30-21-40: Oquiaasoqarnikuuvoq.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Atuiffik	Atuiffiup taaguutaa	Aningaa.	Tapiissutit	Aningaasaliissut nutaaq
	Katillugit			

Allaffeqarfiup naliliinera

**Innersuussut**

Suliaq XX-imut saqqummiunneqarpoq.

**Aalajangiineq**

- Innersuussut tusaatissatut tiguneqarpoq

**Ilanngussat**

XX – Qulequtaq

**Imm. 04 Maniitsumi Ilinniartitaanermut Immikkoortortami aningaasaqarnermut nalunaarusiaq, 2017-imi august-ip naaneranut.**

*Journalnr. 06.01.02*

**Tunuliaqutaq**

Maniitsumi Ilinniartitaanermut, Peqqinnermut, Sunngiffimmi sammisanut Kulturimullu Immikkoortortap 2017-imi august-ip naaneranut missingersuutitigut malinnaatitsineq matumuuna saqummiuppaa.

**Maleruagassatigut tunngavissat**

Qeqqata Kommuniiani karseqarnermut naatsorsuuserinermullu malittarisassat.

Ilinniartitaanermut ataatsimiititaliap pisinnaatitaaffiit tunngatillugu inatsisit atuuttut.

**Pissutsit atuuttut**

Atuineq qaammat arfineq pingajuanni 66,67 procent-imiissaaq.

**Konto 5 – Ilinniartitaaneq Maniitsoq + Nunaqarfiit.**

Atuiffik	Atuiffiup taaguutaa	Missing (1.000 kr)	Tapiiss. (1.000 kr)	All.nuuss. (1.000 kr)	Akuersis (1.000 kr)	Atuineq (1.000 kr)	Sinneri (1.000 kr)	Atuineq %-tut
5	ATUARFEQARNEQ KULTURILLU							
50	ULLUUNERANI MEEQQANIK INUUSUTTUAQQ.PAAQINNITTARFIK	22.272	0	151	22.423	14.409	8.014	64,3
51	ATUARFEQARFIIT	47.351	400	-501	47.250	28.043	19.207	59,4
53	SUNNGIFFIMMI SAMMISASSAQARTITSINEQ	4.803	0	546	5.349	3.509	1.840	65,6
55	ATUAGAATEQARFEQARNEQ	930	0	0	930	565	365	60,7
56	KATERSUGAASIVIIT	1.116	0	0	1.116	751	365	67,3
59	KULTURIKKUT QAAMMARSAANIKKULLU INGERLATSINEQ	3.238	0	-196	3.042	2.715	327	89,2
5	ATUARFEQARNEQ KULTURILLU	79.710	400	0	80.110	49.992	30.118	62,4

Maniitsumi ilinniartitaaneq kulturilu 80.110 mio. koruuninik aningaasaliiffigineqarsimasooq, katillugit 49.992 mio. koruunit atorineqarsimapput. Atuineq procentinngorlugu 62,4 procent-iuvoq.

**Konto 50 Meeqquarfiit Maniitsoq + Nunaqarfiit.**

**Ulluunerani paaqqinnittarfiit:** Meeqquarfiit atuinerat 64,3 %-imiippoq.

Meeqquarfiit tamaat isigalugu atuineq annikinnerulaarnerannut pissutaanerusut ukuupput: Meeqquarfiit nerisaqartitsineq qaammat august tamakkiisumik akilerneqanngilaq, tassa akiligassaq sapaatip akunnerinut ima normulinnut 33, 34 aamma 35 akiligassaq aatsaat septemberimi takkutissagami, septemberimilu aatsaat akilerneqassalluni.

- Meeqquarfiit aamma Ornittagaq Angaju-mi sulisut taarserarnerat pissutaalluni qaammammusalinnut atuineq annikinnerulaarpoq.



### **Konto 51 Atuarfeqarfiit Maniitsoq + Nunaqarfiit.**

**Atuarfeqarfik:** konto 51 Atuarfeqarfiit atuineri 59,4 %-imiipput.

Atuarfik Kilaaseeraq 59,1 %-imiippoq.

Atuarfik Kilaaseeqqami ataatsimut katinnerani atuineq maannamut annikinneruvoq, tassani peqqutaanerpaavoq ilinniartitsisussaaleqineq.

**Nunaqarfinni atuarfiit** atuinerisa killiffiat:

Kangaamiut atuarfiat 57,2 % , atuinikinnermut pissutaanerit tassaapput :

Ilinniartitsisunut taartaaneq.

Qaangiuttoornerit qaammammut akissarsisartut.

Napasoq 56,8 % , atuinikinnermut pissutaaneruvoq ilinniartitsisoq aasap tungaanut ataasiinnaagallarsimanera. Augustimiit ilinniartitsisumik ataatsimik ilapput.

Atammik 75,5 % procent atuinerup qaffasinneranut pissutaaneruvoq:

Ilinniartitsisumik napparsimasoqarnera, taamaasilluni taartaasunut atuineruneq.

Kolligiat atuartullu najugaqarfii konto 51-11-20 53,0 %-imiippoq.

Atuinnermut appasinneranut pissutaaneruvoq :

Kolligiap illuutaata aappaata attartortinneqarnera.

### **Konto 53 Sunngiffimmi sammisassaqaqtitsineq Maniitsoq + Nunaqarfiit.**

**Sunngiffimmi sammisassaqaqtitsineq:** konto 53 atuineq 65,6 %-imiippoq.

53-01 Meeqqanut inersimasunullu sunngiffimmi sammisassaqaqtitsinermut konto 78,5%-imiippoq. Nipilersornermik ilinniarfiup atuinera 55,6%-imiippoq, aasaanerani uninnngareerluni aallarteqqilluni.

53-03 Sunngiffimmi klubbini atuineq: 59,9% Maniitsumi meeqqanut klubbi.

84,9% Maniitsumi inuusuttunut klubbi.

68,3% Kangaamiut unngklub.

29,6% Napasoq klub.

37,5% Atammik klub.

Napasumi klubbertitsisarneq ukiuni kingullerni annikillinikuugami, inukinnera pissutaalluni aammalu sulisussaqaqarnej ajornakusuulernikuugami.

Atammimmi meeqqanut inusuttunullu klubberitsisarnerit ukiaanerani allarteqinnerani pisariaqaqtitsineq napertorlugu annertusineqassapput.

### **Konto 55 Atuagaateqarfeqarnej Maniitsoq + Nunaqarfiit.**

**Atuakkanik atorniartarfeqarnej:** Konto 55 atuineq 60,7 %-imiippoq.

Atuakkanik atorniartarfinni atuineq:

61,8% Maniitsoq.

31,4% Kangaamiut.

9,9% Napasoq.

93,2% Atammik.

Napasumi Kangaamiunilu aasap kingorna ammaqinnissaanut sulisussanik pissarsioqqaassaagut.

### **Konto 56 Katersugaasiviit Maniitsoq + Nunaqarfiit.**

**Katersugaasiveqarneq:** konto 56 atuineq 67,3 %-imiippoq.

56-02 Maniitsup Katersugaasiviata atuinera 69,5%-imiippoq. Kangaamiut Katersugaasiviata atuinera 42,9%-imiippoq.

Kangaamiuni nakkutilliusussamik nutaamik atorfinitsitsisoqassaaq.

Katersugaatinik pisissutissat nungunnikuupput, ikiortimut akissarsianut konto aamma sippuilereernikuuvoq. Kontot iluini nussuinisq ataatsimiinnissap tullianut qinnutigineqassaaq.

### **Konto 59 Kultur-imut tunngasut Maniitsoq + Nunaqarfiit.**

**Kulturi qaammarsaanerlu:** konto 59 atuineq 89,2 %-imiippoq.

59-01 65,4%-imiippoq, Augustimi aningaasaliiffigineqartut tassaapput illutoqqanik iluarsaassinnermut kontominngaaniik oqaluffitoqqap natiata taninneqarnera aammalu Kangaamiuni Katersugaasiviup ungaluata iluarsaannera, kiisalu Maniitsumi illoqarfiup nuannaavanut aqqissuinnermut aningaasaliineq.

59-03 Timersortartut Nunatsinni pissartanngorniunnerannut aningaasaliissutaapput kr. 453.000,00, atuineq 187,9%-imiippoq.

Ukioq manna malunnartumik nutaatut aalluneqalersoq Fútsal assut atunerunermut malunniuppoq, aamma ukioqatigiiaat arlallit unammisinneqaramik.

Taassumalu saniatigut silami isikkamik arsarluni pissartanngorniunnerit isarnertut ingerlaannarlutik.

GM-inut tapiissutit ukiumiik ukiumut assigiingittaqaat, apeqqutaalluni illoqarfik sorleq pissartanngorniuffiussanersoq.

Ukioq manna aningaasaliissutaareersut iluini kontomiik kontomut nussuineq qinnutigineqassaaq.

Aappagumut ukiunullu tulliuuttunut kontomi tassani aningaasaliissutaareersut siunissami qaffannissaat pisariaqartinneqartussaassaaq.

Taperneqarsimasullu ukuupput:

#### Kâgssagssuk, isikkamik arsarneq

U13+U15 Fútsal nukappiaqqat. 85.278,00

U13+U15 Silami arsarneq nukappiaqqat. 75.518,00

U17 Fútsal nukappissat. 56.028,00

U17 silami arsarneq nukappissat. 50.412,00

U19 Fútsal nukappissat. 6.200,00 (haalip atoneranut)

U21 Fútsal angutit. 19.212,00

Inersimasut silami anngunniunnerat 11.000,00

Inersimasut silami GM	76.000,00
katillugit	379.648,00
<u>Kâgssagssuk, assammik arsarneq</u>	
U10+U12 meeqqat	6.000,00 (haalip atorneranut)
U10+U12 meeqqat	7.500,00 (bussit atornerinut)
U16 Nukappiaqqat.	40.000,00
U18 Nukappissat.	40.000,00
Inersimasut arnat.	10.500,00
katillugit	104.000,00
<u>Aqissiaq, assammik arsarneq</u>	
U16 nivarsiaqqat juniorer.	40.000,00
<u>Aqissiaq Volleyball</u>	
Arnat aamma angutit	18.000,00
Nivarsiaqqat U12+U14+U16	90.000,00
<u>MS-89:</u>	
Sangusaartartut, alpin	130.151,00
<u>KS-69:</u>	
Sisoraaserlutik arpattartut	52.997,50
<u>N.a.p.a 86 Atammik</u>	
Nerrivimmi arsaararneq	27.355,00
<u>KTVI - Kangaamiut</u>	
Angutit Volleyball	9.000,00
<b><u>Katillugit</u></b>	<b><u>851.151,50</u></b>

**Innersuussut:**

Ilinniartitaanermut Peqqinnermut Sunngiffimmi sammisanut Kulturimullu ataatsimiititaliamut innersuussutigineqarpoq august-ip naaneranut 2017 aningaasaqarnermut nalunaarusiaq tusaatissatut tiguneqassasoq.

**Aalajangiineq:**

- Innersuussut tusaatissatut tiguneqarpoq

**Ilanngussaq:**

2017-imi august-ip naanera ilanngullugu oqimaaqatigiissitsineq.

- **Imm. 05 Suleqatigiinnissamut isumaqatigiissut – suliap ingerlateqqinneqarnera**

- *Journalnr. XX.XX.XX*

Tunuliaqutaq

2017-imi apriliip 18-iani Siumut, Inuit Ataqtigiit Partii Nalerarlu suleqatigiinnissamut isumaqatigiissusiorput. 2018-imit missingersuutitut ukiunullu missiliuteqarfiusunut ataatsimiititaliat missingersuutitigut kissaataannut, suleqatigiinnissamut isumaqatigiissut tunngaviliivoq.

Suleqatigiinnissamut isumaqatigiissummi politikkikkut kissaatit kommunip suleriaqqinnissaanut tunngaviliisuusariaqarput, matumani pilersaarusiormi periusissatigut kiisalu kommunimut allatigut pilersaarutikkut ersarissanissaq ilanngullugu.

Maleruagassatigut tunngavissat

Pilersaarusiormut inatsit

Pissutsit atuuttut

Pilersaarusiormut inatsit naapertorlugu, kommunalbestyrelsip ivertinneqarnerata kingorna ukiup affaani siullermi, pilersaarusiormi periusissamik suliartoqassaaq. Kommunip ukiuni arfineq-pingasuni oqaluttuarisaanerani, 2010-mi 2014-imilu pilersaarusiormi periusissat marluusut kisiartaallutik illoqtigiinnut agguanneqarnikuupput. Kommunalbestyrelsi nutaaq 2018-imit 2022 tikillugu pilersaarusiormi periusissamik suliqaassaaq, taannalu 2018-imi innuttaasunut agguanneqartariaqarluni. Pilersaarusiormi periusissap imarisai, ataatsimiititaliamit allaffeqarfimmiillu piviusungortitsinissamik kingornatigut suliqaassapput.

Ilinniartitaanermut, Peqqissutsimut, Sunngiffimmut Kulturimullu ataatsimiititaliap akisussaaffeqarfia pillugu Suleqatigiinnissamut isumaqatigiissut tullinnguuttunik imaqrpoq:

- A. Meeqeriveqarfik
- B. Meeqqat atuarfiat
- C. Kulturi sunngiffimmilu sammisassat:
- D. Timersortarfiit silamilu timersuutit:
- E. Peqqinneq – Pinaveersaartitsineq.
- F. Ikiaroorntoq

Allaffeqarfiup naliliinerata ataani sammisat immikkuutaarlugit qulequttat taakku tulleriaarneqarput, taakkulu killiffiginnaasaat nassuiaatigineqarluni. Tamatumalu saniatigut suliap ingerlateqqinneqarnissaanut allaffeqarfiup siunnersuutaa ilanngunneqarluni.

Atuilluartaunissakkut kingunerisinnaasai

Suleqatigiinnissamut isumaqatigiissummi politikkikkut anguniakkat kiisalu ataatsimiititaliami allaffeqarfimmilu suliap ingerlaqqinnerisa akornanni naapertuuttoqarpat, tamanna atuilluartaunerussaaq.

Aningaasaqarnikkut allaffissornikkullu kingunerisinnaasai

Suleqatigiinnissamut isumaqatigiissummi immikkoortuni assigiinngitsuni,  
aningaasaqarnikkut allaffissornikkullu kingunerisinnaasaat annertuumik  
assigiinngissuteqarput. Politikkikkut anguniakkat nutaat allaffeqarfimmit  
ersarissarneqartariaqaraluarput, taamaalillutik politikerit politikikkut anguniagaat  
ingerlanneqarsinnaalissallutik. Taamatullu pilersaarusionermit periusissanut  
ilanngunneqartariaqarlutik.

#### Allaffeqarfiup naliliinera

Allaffeqarfiup nalilerpaa, sulinerup ingerlaqqinnissaanut ilannguttariaqartunik, pissarsianik tullinnguuttunik ataatsimiititaliap akisussaaffeqarfiisa iluani suleqatigiinnissamut isumaqatigiissut sammisaqartoq.

#### A. Meeqqeriveqarfik:

1. Inissaqarnissamut qularnaarineq: Kommuni aallartimmalli inissaqarnissamut qularnaarinnittoqarnikuuvoq, missingersuutillu pioreersut taakkuninnga imaqarput. Illoqarfinni nunaqarfinnilu tamani meeqqeriviit missingersuutaat, meeqqat amerlassusiinut naleqqussarneqartariaqarput. Meeqqerivinni pingaartumik Kangerlussuarmit, piffissap ingerlanerani inimit ammaanermik imaluunniit matusinermik kinguneqartarpoq. Nunaqarfinni meeraateqarfinni sulisunik atorfinitsitsinermik imaluunniit soraarsitsinermik kinguneqartarpoq.
2. Meeqqerivinnut akigititap qaffasinnerpaaffissaa 1000 kr: Kommunip aallartinneranili meeqqerivinnut akigititaq 1000 koruunimik akisunerpaaffilerneqarnikuuvoq, 2018-mullu missingersuutinut pioreersunut naatsorsuutaavoq.
3. Nerisassanik pajuttarneq pitsaanerpaaffianiinniassammat nerisassanik pajuttarneq qulaajarneqassaaq: 2016-imi ukiaanerani isumaqatigiissutaasumi Sisimiuni nutaamik suliariumannittussarsiuussinermut neqerooruteqartuusunik oqaloqatiginnittarneq pitsanngortinneqarnikuuvoq. Suliap ingerlateqqinneqarnerani, kommunip iluani kommuninullu allanut sanilliullugu, nakkutilliinermut misilittakkanik paarlaasseqatigiittoqartariaqaraluarpoq.
4. Meeqqerivimmiit atuarfimmuut ikaarsarneq pitsaanerulersinneqassaaq: Atuarfinni oqaloqatiginnittartut suliaasaannut ilaavoq ikaarsarnerup pitsaanerulernissaanik misissuineq suliaqarnerlu. Annertunerusumik sammisanut tamanna ilaatinneqassasoq naatsorsuutigineqarpoq.
5. Nunaqarfinni meeqqeriviit illutaat meeqqanik inissaqartitsinermut amerlassusiliinermut naapertuuttunngorsarneqassapput: Atammimmi meeqqerivissaq sanaartorneqaleruttorpoq, Napasumilu meeqqerivissamik nutaamik Namminersorlutik Oqartussanut qinnuteqaateqartoqarluni. Meeqqerivinnik nutaanik sanaartorerit kiisalu iluarsartuussisarnerit kommunimit akisussaaffigineqangajalerput, tamatumalu kingorna kommunimi illoqarfinni nunaqarfinnilu meeqqeriviit suut nutaat sanaartorneqarnissaat isummerfigineqassalluni.
6. Sulinngiffeqartoqarnerani meeqqerivinni paarlatseqartarneq: Manna tikillugu sammineqarpoq, meeqqanut sulisunullu sulinngiffeqarneq tulluarsarneqartassasoq, taamaalilluni meeqqat sulisullu sulinngiffeqarnerup nalaani meeqqat ikinnerussallutik inillu sulisulersugassat ikinnerussallutik. Illoqarfinni arlaatigut ajornartoorneri, meeqqerivinni sulisunik meeqqeriviit akornanni nuussisinnaanermut periarfissaasinnaasut misissorneqassapput. Sulinngiffeqarnerup nalaani sulisunik piginnaasaqanngitsunik kajumissuseqanngitsunillu meeqqerivinni sulilersitsisoqartannginnissaa aamma pingaaruteqarpoq. Taamaattumik sulisut amerlassusaasa paarlatseqarnerunermut qaffasinnerunissaat pitsaaneruvoq.

-

#### B. Meeqqat atuarfiat:

1. Meeqqat atuartunut pikkorissunut isiginnittarnerat allanngortinneqassaaq: Angajoqqaat inersimasullu allat meeqqat atuarfiinut isiginnittaasaat, meeqqat isiginnittaasaannut attuumassuteqartorujussuuvoq. Inersimasut meeqqallu meeqqat atuarfianut isiginnittaasaannik allannguiniarluni, politikerit, allaffeqarfik, atuarfimmi aqutsisut, ilinniartitsisut, atuarfinni siunnersortit il.il. suleqatigiinnissaat pingaaruteqarpoq. Illoqarfinni atuarfiit inuussutissarsiutilinnik qaninnerusumik suleqateqarnissaminnik

ingerlatsipput, taamaalilluni inuussutissarsiortut aamma pitsaasumut sunniuteqaqataasinnaallutik. Ukiuni kingullerni marlunni Minngortuunnguup Atuarfiani CSR-imik suliniuteqarnerup iluatsilluarneratigut tamanna pivoq. Killiliussat pioreersut iluini allaffeqarfimmit suliniutitut periarfissat misissornerqarsinnaapput.

2. Atuartut amerlanerit angusarissarlutik meeqqat atuarfiini naammassisarnissaat: Meeqqat atuarfiini suliniutitigut iliuseqarnikkullu tamanna anguniagaavoq (oqaluuserisassanik saqqummiussassaq alla aamma takuuk). Ataatsimiititaliap ataatsimiinnermini kingullerni isumasioqatigiisitsinissamik siunnersuuteqarpoq, 2018-imi kommunalbestyrelsip ataatsimiinnissanut atatillugu, tamanna pilersaaruserqarsinnaavoq.
3. Meeqqat atuarfiini isumaginninnermut siunnersortinik atorfinitsitsineq: Ilaqutariinnermut immikkoortup ataani isumaginninnermi siunnersortit atuarfimiittarnissaannik, ilusissamik allaffeqarfik innersuussivoq. 2018-imut missingersuusiortnermut atatillugu, Ilaqutariinnermut immikkoortortami isumaginninnermut siunnersortinik/-suliniutinut sulisussanik arlalinnik atorfinitsitsinissamut aningaasaliisoqarpoq.
4. Ilaqutariinnut klassinik inerisaaneq: Ukiuni atuarfusumi matumani ilaqutariinnut klassit aallartinneqarput, kisianni missingersuutitut kissaatini ilaqutariinnut klassit amerlanerulernissaat 2017-imi missingersuutini salliutinneqanngilaq. Suliniummut ataavartumik naliliisoqartarpoq, annertunerusumillu nalilersuinissaq, ilaqutariinnut klassit piffissami sivilunerusumi ingerlanneqareernissaasa tungaanut utaqqimaartinneqartariaqaralarpoq.
5. Qarasaasiat kiisalu avataanit ilinniartitsisut atorlugit, allamiut oqaasiinik atuartitsinerup nukittorsarnera: Immap naqqatigut kabelip pilersinneqarneratigut Granny Cloud suliniutillu assingusut kiisalu avataanit ilinniartitsisunik amerlanerusunik atorfinitsitsinikkut pingaarnersiorneqarnera missingersuutit pioreersut iluini ingerlanneqarsinnaavoq, Avannarliit avataaniilli ilinniartitsisunik, pingaarnertut nunanit tuluttut oqaaseqarfiusunit, orniginarsaanissamut annertunerusumik iliuseqartoqarnissaanut suliaqartoqarnissaanullu pisariaqartitsisoqassaaq. Tuluttut oqaasilinnik attavissanik attaveqarniarneq ingerlanneqarpoq.
6. Atuartut amerlanerusut nunani allani- /oqaatsinik ilinniarluni angalaneq: Missingersuutini tassunga aningaasanik immikkoortitsisoqarnikuunngilaq. Killiliussat pigisat iluinit aningaasanik annertunerusumik immikkoortitsisoqassappat, aningaasat sooq tassunga atorneqarnissaat pillugu, politikikkut nalunaaruteqartoqarpat pitsaanerussaaq.
7. Atuarfimmi pitsaasunik angusaqarluni soraarummeertunut kajumissaatitut akissarsititsineq: Missingersuutini tassunga aningaasanik immikkoortitsisoqarnikuunngilaq, aningaasalli annertugisassaanngimmata, tamanna nuutsinikkut ingerlanneqarsinnaassagaluarpoq.
8. Ilinniartitsisut pikkorissassapput: Nukissanik assiginnerusumik agguassinissaq pillugu ilusermi ilinniartitsisut tamarmik pikkorissarsinnaanerintut akunnernut 40-nut aningaasaliisoqarnikuuvoq. Pikkorissaanerilli sumiiffinni ingerlanneqartarnissaat kommunimit sammineqarpoq, taamaalillutik ilinniartitsisut angalanermiinnut atatillugu atuartitsinissamut akunnernik annaasaqassanatik. Kommunimi immikkoortuni tamani tamanna atuuppoq.
9. iPad atorlugit atuartitsineq pitsaanerulersinneqassaaq: Suliniutit assigiinngitsut aallartinneqarnikuupput, aammalu kommunit ataatsimoorullugu aningaasaateqarfinnut qinnuteqaataat suliarineqarpoq. Kommuninik allanik ataatsimoorussamik suleqateqarneq kiisalu immap naqqatigut kabeli, iPad atorlugit atuartitsisarnerup 2018-imi pitsanngoriarnissaanik periarfissiivoq.

-

### C. Kulturi sunngiffimmilu sammisassat:

- A. Sunngiffimmi sammisassanik pitsaasunik ullutsinnullu tulluurtunik neqerooruteqarneq: Meeqqanut inuusuttunullu silami sunngiffimmi sammisaqartitsinissamut atortunut missingersuutitigut siunnersuummi annertunerusumik aningaasaliinissaq ilanngunneqarnikuuvoq. Meeqqanut atuartunut perorsaanikkut inerikkiartuutaasunik sunngiffimmi neqeroorutit pillugit Inatsisartut inatsisaat 2017-imi oktobarimi pingajussaaneerineqarluni suliarineqassaaq. Inatsit qanoq atuutilersinneqassanersoq pillugu, allaffeqarfik suliaqassaaq. Perorsaat atuarfinni sunngiffimmi neqeroorutini akunneqalersinneqarsinnaassapput, soorlu tamanna Nuummi ingerlanneqartoq. Suliniutinut allanut politikerinit paasissutissat ujartorneqarput.

B. Kulturikkut sammisanut (aamma timersorneriinnaangitsumut) meeqqat angalasarnissaanut tapiisarneq: Missingersuutini tassunga aningaasanik naammattunik immikkoortitsisoqarnikuunngilaq. Kulturimut aningaasaliisarnerup naliliiffigeqqinnissaanut, ataatsimiititaliap tullissaani ataatsimiinnissaanut oqaluuserisassaq suliarineqaleruttoq.

D. Timersortarfiit silamilu timersuutit:

1. Timersoqatigiiffinnut tapiissutit ingerlaannarnissaat pitsanngorsarnissaallu: Pitsanngorsaanissat eqqarsaatigalugit qanoq ingerlanniarneqarneranut atatillugu, politikerit ersarinnerusumik paasissutissiissuteqartariaqaraluarput.
2. Timersortarfinnik timersoqatigiiffinnillu suleqatigiinneq ingerlaannassaaq:
3. Nunaqarfinni multisaleqanngitsuni multisalenik sanaartorneq: Sanaartornissamut missingersuutini tassunga aningaasanik immikkoortitsisoqarnikuuvoq.

-

E. Peqqinneq – Pinaveersaartitsineq.

1. Innuttaasut peqqinnartumik inuuneqassapput: Peqqinnermut pinaveersaartitsinermullu politikkimut ingerlatsinissamut pilersaarut, ataatsimiititaliap tullissaanik ataatsimiilerpat saqqummiunneqassaaq.
2. Pinaveersaartitsinikkut pinerlunniartarneq aamma ikiaroorartumik imigassamillu atorneqarluineq annikillisinneqassapput: Peqqinnermut pinaveersaartitsinermullu politikkimut ingerlatsinissamut pilersaarut, ataatsimiititaliap tullissaanik ataatsimiilerpat saqqummiunneqassaaq.
3. Kalaaliminertornerulernissaq ukkataralugu paasititsiniaaneq: Aningaasaliissutit iluanni aallartinneqarsinnaavoq.

-

F. Ikiaroorartooq

1. Kommunimi ikiaroorartumik akiuiniarneq: Peqqinnermut pinaveersaartitsinermullu politikkimut ingerlatsinissamut pilersaarut, ataatsimiititaliap tullissaanik ataatsimiilerpat saqqummiunneqassaaq.
2. Kommunimi ilanngaaserisumik atorfinitsitsisoqarnissaanik Naalakkersuisut qinnuigineqassapput: Naalakkersuisunik oqaloqateqarneq aallartinneqarsinnaavoq.
3. Pisortanit ikiorsiissutit atorlugit imigassanik ikiaroorartunillu piseqqusaannginnissaq pillugu inatsimmik atuutitsisoqalersinnaaneranut periarfissanik misissuineq: Naalakkersuisunik oqaloqateqarneq aallartinneqarsinnaavoq.

### **Innersuussut**

Siuliani allaaserineqartut naapertorlugit, suleqatigiinnissamut isumaqatigiissummi paasissutissat sammisallu sorliit allaffeqarfimmit pingaarnersiorneqartariaqarnersut imaluunniit ataqatigiissaarneqartariaqarnersut, Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliami eqqartorneqarnissaat nalunaarutiginnissaallu innersuussutigineqarpoq.

### **Aalajangiineq**

- A: Qaangiuttoornermut taarsiullugu sulinngiffeqartoqartillugu sulisut amigalertarput. Sulisut qaangiuttoornermut taarsiullugu sulinngiffeqanngikkaluarlutik qaangiuttoorneriuteqarsinnaanersut misissuineq. Aalajangersimasumik qaangiuttoortoqarsinnaassava.
- A/B: Atuartut sunngiffimmi sammisaqarnerulernissaat timersornissaallu anguniarlugu, meeqqerisunut ilinniartitsisunullu eqaarsaarnermut pikkorissaaneq pillugu periarfissanik misissuisoqassaaq.
- B: Kajumissaatitut akissarsititsisarnermut piumasaaqatit angusarissaarnerinnarmit amerlanerussapput, piumasaaqatitut sullarissuuneq, atuagarsorneq, kammalaataalluarneq takkuttarnerlu ilanngunneqassallutik.
- Atuartut ataqqinninnerulernissaat, pissuserissaarnerulernissaat sullarinnerulernissaallu sulissutigineqassapput.

- *Ilinniartitaanermut, Peqqinnermut, Sunngiffimmi sammisassanut Kultureqarnermullu ataatsimiititalip oktoberip 2 2017-imi ileqquusumik ataatsimiinneram 07/2017*

- C: Kommuni GIF-imut sungiusaasunut pikkorissaasarnissat pillugit suleqatigiinnissamik pilersitsissaaq. Peqatigiiffilerinerup tungaatigut kommuni ersarinnerulertariaqarpoq. Timersornikkut peqatigiiffinnik pilersitsinnermut tunngatillugu, nittartakkami paasissutissat nutarterneqassapput.
- E: Pinaveersaartitsineq pillugu isumasioqatigiisitsinnermut tunngatillugu, inernerit aalajangiinerillu Ilaqtariinnermut ataatsimiititaliamit piniarneqassapput. Ataatsimiititaliap iluani immikkoortortani politikkit ilaqqillugit suliaqartoqassanersoq misissorneqassaaq, assersuutigalugu pinaveersaartitsinnermut politikki aammalu eqaarsaarnermut politikki.

### **Ilanngussat**

1. Siumut, Inuit Ataqatigiit aamma Partii Naleraq akornanni suleqatigiinnissamik isumaqatigiissut



## **Imm. 06 Meeqqat atuarfiini anguniakkat**

*Journal nr. 51.01.12.01*

### Tunuliaqutaq

Meeqqat atuarfiini anguniagaasut pillugit, Kommunalbestyrelsimi ilaasortaq Malene Ingemann 2017-imi aggustip aappaani mailikkut siunnersuummik nassiussaqrpoq. Suliaq kommunalbestyrelsip ataatsimiinnerani 04/2017 aggustip 24-iani suliarineqrpoq, aalajangiunneqarlunilu suliaq ataatsimiititaliamut ingerlatinneqassasoq.

### Maleruagassatigut tunngavissat

Atuarfik pillugu Inatsisartut inatsissaat nr. 15, 3. december 2012-imeersoq

Atuarfimmi atuartsissutini atuartsissutinilu qanitariissuni alloriarfiit siunertaat kiisalu atuartsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat

Atuarfik pillugu inatsisartut inatsissaat nr 15 af 3 december 2012-meersoq malillugu atuarfiup perorsaaniikkut allaffisornera ingerlanneqassaaq, tassani § 48-mi atuarfiup pisortaata suliaasai nassuiarneqarput.

2) suliaasat atuarfimmi atorfeqartut akornanni agguataarlugillu aqussavai, atuartsinerullu pilersaarusiorneqarnermigut aaqquissuunneqarnermigullu atuartunut tamanut unamminartoqarteqqullugu tak. § 18, imm. 2, aamma atuarfimmi nukiiit pitsaanerpaamik atorluarneqaqqullugit,

3) pitsaassuseq pillugu ukiumoortumik nalunaarusiornissaq isumagissavaa, tak. § 49

### Pissutsit atuuttut

Siunnersuut ima nipeqarpoq:

Kommunalbestyrelsitut meeqqat atuarfiinik ulluinnarni ingerlatsinermik susassaqqanngikkaluarluta, - meeqqat atuarfiinik akisussaasuuvugut, taamaattumik meeqqat atuarfii anguniakkaminnik angusaqarsinnaanerminnik ilisimasaqarnissarput soqutigisarissuavaarput, kommunalbestyrelsitullu meeqqat atuarfiini atuagarsornikkut annertuumik pitsanngoriaateqarnissaat kiisalu atuartut ilinniartitsissutini ilinniartitsisuminnit sapinngisamik ilikkagaqarfiusumillu atuartinneqarnissaat qulakkeertussaavarput. Tamanna tunngavigalugu apeqqutit tullinnguuttut ilinniartitsisunit immersugassanngorlugit misissorneqarnissaat Malene Ingemann-imit kissaatigineqrpoq, taakkuuppummi kommunitisinni meeqqat atuarfiini suut immikkut suliniuteqarfigineqarnissaannik nalinginnaasumik pisariaqartinneqarnerinik tamat isiginnilersitsisussaasut.

1. Atuarfinni ataasiakkaani ilinniartitsisut amerlassusaannut sanilliullugu, meeqqat atuarfiini ilinniartitsisut qassit, atuartsissutimi saniatigut allanik atuartsissarpat?
2. Ilinniartitsisoqatigiinni atuartsissutit suut ingerlanneqartarpat, atuarfinni tamani trin-inut agguataarlugit?
3. Trin-ini tamani klassit sorliit, ilinniartitsisusup pingaarnertut atuartsissutiginnisartagaanik atuartinneqartarpat? Kiisalu atuartsissutini/klassini sorlarni?
4. Ukiumut pilersaarutit ukiumut atuartsiviusup ingerlanerani atuartsinerni ataasiakkaani tunngaviliisuupput: Atuarfinni tamani ilinniartitsisumut ataatsimut ukiumut pilersaarutit, A4-mut uuttorlugit atuartsissutit uuttorneri:

Nutaaq	Atoqqitaaq	Atoqqitaaq/nutartigaaq		
Qupp. 0 _____		_____	_____	_____
Qupp. 1-2 _____	_____	_____	_____	
Qupp. 3-5 _____	_____	_____	_____	
Qupp. 6-10 _____	_____	_____	_____	
Qupp. 11-15 _____	_____	_____	_____	
Qupp. 16-20 _____	_____	_____	_____	
Qupp. 21-30 _____	_____	_____	_____	
Qupp. 31-40 _____	_____	_____	_____	_____
Qupp. 41-50 _____	_____	_____	_____	
Qupp. 51-60 _____	_____	_____	_____	
Qupp. 61-70 _____	_____	_____	_____	
Qupp. 71-80 _____	_____	_____	_____	
Qupp. 90-amerl. _____	_____	_____	_____	_____

(Assersuutigalugu: ilinniartitsisoq ataaseq atuartitsissutini marlunni atuartitsisoq, atuartitsissutini tamani ukiumut pilersaarutip sivilissusaa malillugu kryds-iliissaaq).

Meeqqat atuarfiini ilinniartitsisut qanoq atorneqartarnerinik siulii takussutissiissapput, soorlutaaq ukiumut pilersaarutip suliarineqartarnerinik takussutissiissasut. Kiisalu atuartitsinermut piareersaanermi atuarfiit pitsaassusaannik kivitsinissamik amigaateqarnersut.

#### Atuartitsissutit toqqagassat

Atuarfiit pitsaassutsimut nalunaarusiortussaapput, tassani ilaatigut ilinniartitsisut atuartitsissutit pingaarnertut toqqagaat nassuiarneqassaaq. Taanna novembarimi ataatsimiititaliamut aamma kommunalbestyrelsimut saqqummiunneqassaaq. Atuarfiup pisortaa ukiut tamaasa ilinniartitsisut atuartitsinerinut 1-3 -riarluni nakkutilliisassaaq. Nakkutilliinerup kingorna ilinniartitsisunut ataasiakkaanut MUS-imik oqaloqatigiinnerit ingerlanneqassapput, MUS-imillu oqaloqatigiinnermi pisarialittut suliniutissat nalunaarsorneqassapput. Tassanngaaniit, soorlu ilinniartitsisut akornanni pikkorissarnissat agguataarneqassapput.

Taamatuttaa q ilinniartitsisut atuartitsinermi ilinniartitsissutigisaat sammisanut pilersaarummut nassuiarneqassapput kiisalu Tabulex Trio-mut ikkunneqassallutik. Allaffeqarfik Tabulex TEA aamma Ingerlatsinermut TRIO atorlugu atuarfinnik nakkutilliisaaq, kiisalu nakkutilliinermi immersuiffik Ilinniartitaanermut, Kulturimut Sunngiffimmilu ataatsimiititaliamit 06/2015 aggustip arfineq-pingajuani 2017-imi akuerineqartoq malillugu ukiut tamaasa qanimut nakkutilliisassalluni. Nakkutilliinermi pineqartunut ilaapput ilinniartitsisut atuartitsinermi pingaarnertut ilinniartitsissutit toqqagaat aammalu ilinniartitsissutinik atuarfiup atuineri.

#### Ukiumut pilersaarutit

Ilinniartitaanermut, Kulturimut Sunngiffimmilu ataatsimiititaliap immikkut ataatsimiinnerani 06/2013 maajip 21-iani 2013-imi Qeqqata Kommuniani meeqqat atuarfiini ilinniartitsissutinut tamarmiusunut ukiumut pilersaarusiamik saqqummiussissasut, aammalu

ilinniartitsisut ukiumut pilersaarusiaat qaninnertut pisortaasumit, ilinniartitsissutitut ilitersuisunit aammalu atuarfiup pisortaanit akuerineqarsimanissaat aalajangiunneqarpoq. Tamatuma kingorna atuarfimmi aqutsisut ataatsimiinneranni pilersaarusiaat atuarfiup intranettianut ilineqartarnissaat piumasarineqarlunilu aalajangiunneqarpoq. Taamatuttaaq allaffeqarfiup nakkutilliinerani ukiumut pilersaarusiaat aamma misiliiffiqineqartassapput, Qeqqata Kommuniatalu meeqqat atuarfii pillugit anguniagaanut naapertuuttoqanngippat, tamanna pillugu atuarfiit aaqqiinissamik piumaffiqineqassapput.

#### Atuilluartuunissakkut kingunerisinnaasai

Aqutsisunit kiisalu allaffeqarfimmit anguniagassaqtitsilluni atuarfiit ingerlatsinerat aqunneqarnerallu, atorfeqartut ineriartornerinut isiginninnerusoq atuilluartuuneruvoq, taamaalilluni atuartitsinerup pitsaassusia inatsisitigut kiisalu meeqqat atuarfii pillugit kommunalbestyrelsip anguniagaanut nalimmassinnaassammat.

#### Aningaasaqarnikkut allaffissornikkullu kingunerisinnaasai

Soqanngilaq.

#### Allaffeqarfiup naliliinera

Ukiumut nalunaarusiat A4-qissaamut uuttorneqartariaqanngitsut allaffeqarfimmit nalilerneqarpoq, tassami pilersaarutip sivisussusianut sanilliullugu ilinniartitsissutissanut piareersaneq imartunerusussaassammat. Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat § 30 malillugu ukiumut nalunaarusiornermi ilikkagassatut anguniagassat, atuartitsinermi sammisat nalilersuinerlu ilanngunneqassaaq.

Pisariaqartitat nalinginnaasut aamma suliniutissat immikkut ittut atuarfiup aqutsisuisa ataatsimiinnerini eqqartorneqassapput, ataatsimiinnermilu suliniuteqarnissaq isumaqatigiissutigineqarpat, nalinginnaasumik ataatsimiititaliamut tamanna saqqummiunneqartarpoq, soorlu ilaqutariinnut klassip pilersinneqarnera, atuarfinniluunniit iPadip atorneqarneranik misissuineq.

#### **Innersuussut**

Ilinniartitaanermut, Peqqissutsimut, Sunngiffimmut Kulturimullu ataatsimiititaliamit innersuussutigineqarpoq, allaffeqarfiup paasissutissiissutaa tusaatissatut tiguneqassasoq.

#### **Aalajangiineq**

- Innersuussut tusaatissatut tiguneqarpoq.

#### **Ilanngussat**

## **Imm. 07 Meeqqat atuariini suliniutit**

*Journal nr. 51.00*

### Tunuliaqutaq

2015-imi aggustimi Kommunalbestyrelsi aalajangiivoq, meeqqat atuariini suliniuteqarfiussat tullinnguuttut arfiniliussat: 1) atuariup angerlarsimaffiullu suleqatigiinnerat, 2) iPad-imik suliniut, 3) oqaatsinik ilinniartitsineq, pingaartumik tuluttut, 4) ersarinneruneq, 5) nakkutilliineq attaveqatigiinnerlu kiisalu 6) meeqqat atuariat tamanik isiginnissuseqartoq.

### Maleruagassatigut tunngavissat

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap, meeqqat atuariat akisussaaffigaa.

### Pissutsit atuuttut

Suliniuteqarfik **1) atuariup angerlarsimaffiullu suleqatigiinnerat** eqqarsaatigalugu, illoqarfinni atuariannut pingasuusunut atuariimmi siunnersortinik atorfinitsitsisoqarnissaanut 2013-imi missingersuutini kommunalbestyrelsi aningaasaliissuteqarpoq. Atuariinni siunnersortit pingaarnertut suliassat tassaavoq, atuariup angerlarsimaffiullu pitsaasumik suleqatigiinnissaasa aamma meeqqerivimmiit meeqqat atuariannut ikaarsaarnerup pitsaasuunissaata, atuariinni alloriarfinit atuariimmiillu ilinniartoqarfimmut ikaarsaarnerup pitsaasuunissaata qulakkeerneqarnissaa. 2016-imiilli atuariinni pisortanit aquneqarlutik atuariinni siunnersortit atuariinni inissisimalernikuupput.

Suliniarfimmi tassani aamma, siornali illoqarfinni atuariinni pilersinneqarnissaanut periarfissaasimasoq, ilaqutariinnut klassit sullinneqarput. Arlaleriarluni ilaqutariinnut klassini pikkorissaasoqarnikuuvoq, kingullermik 2017-imi marsimi sapaatip akunnera 10-mi.

Pitsaanagerusumik angajoqqaanik suleqatigiinnissamut tunngatillugu angajoqqaanut intra atuutilersinneqarnikuuvoq, taamaalillutik angajoqqaat ajornanngitsunnguamik meeqqami atuariimmi ingerlanerannik malinnaasinnaallutik aammalu ilinniartitsisunit ajornanngitsunnguamik nalunaarutinik pissarsinnaallutik. Tamatuma saniatigut atuariitissinissanut pilersaarutit il.il. angajoqqaanit takuneqariaannanngorniartulugit digitaliserinngorsarneqarput.

Nunaqarfinni arlalinni illoqarfinnilu angajoqqaanik ataatsimiisitsinerni angajoqqaat peqatigalugit oqaluutigaluni pinnguaat ”Qanoq isumaqarpit/ Hvad mener du?” pinnguaatigineqartarpoq, taamaalillutik angajoqqaat meeqqami ilikkartariaqagaanni killissat suut eqqartornissaanut periarfissaqarlutik. Angajoqqaanut pinnguaat det kriminalpræventive råd Pisiu-mit suliaavoq.

Taamaakkaluartoq angajoqqaat qitornami atuariernerit annerusumik soqutiginnilersinneqarnissaat, tapersersuinerunissaallu pisariaqartinneqarpoq. Angajoqqaat pitsaasumik peqataanerulersinneqaaqqinnerisa saniatigut angajoqqaanut qitornami atuariernerit tapertaanngitsunut isumaqatigiissusiortoqartariaqarunarpog, peqataatitsinerunissarluni sulissutigineqartariaqarunarluni. Angajoqqaanut isumaqatigiissusiortarneq Island-imi atugaavoq, Norge-milu angajoqqaat qitornami atuariernerit tapersersuinngitsut politiinut unnerluutigineqarsinnaapput.

Ilaqutariinnermut Immikkoortortami isumaginninnermi siunnersortinik, ulluinnarni/sapaatip akunneranut atuariinniittartussanik atorfinitsitsinikkut, angajoqqaanut qitornami atuariernerit tapersersuinngitsunut tapertaalluassaaq.

Suliniuteqarfik **2) iPad-imik suliniut** eqqarsaatigalugu, meeqqat atuariini Qarasaasiaqarnermut 2013-imi missingersuutini kommunalbestyrelsi 2 mio. koruuninik immikkoortitsivoq. Tamanna

atuilluartuunissamik suliniutitigut, Villumfonden-ip tapersersugaanik iPad-imik suliniutinngortinneqarpoq, matumanilu Qeqqata Kommuniani aamma Kommune Kujalleq-mi meeqqat atuarfiini atuartut ilinniartitsisullu tamarmik iPad-inik agguassiffigineqarlutik. Taakku saniatigut atuartitsiviit tamarmik seqersitsisarfirmik pilersorneqarput, illoqarfinni nunaqarfinnilu tamani wifi-net- ilersorneqarlutik, taamaalillutik atuarfiup avataani internetsimut attaveqalerlutik. Atuartitsinermi iPad atornerqarnissaanik ilinniartitsisut arlaleriarlutik ilinniartinneqarnikuupput, kingullermik 2016-imi oktobarimi oqaatsini aamma pinngortitami sulianut attuumassutilinnut pikkorissarneqarlutik.

Suliniuteqarfiup taassuma ataani aamma atuartitsinerup ingerlanerani iluatsittunik pitsaasunik videoliornermik ingerlatsisoqarpoq, taamaalillutik ilinniartitsisut imminnut ilinniarfigisinnaallutik. Aallaqqaammut 2016-imi septembarimi 2017-imilu marsimi iPad-inik atuilluarluni atuartitsinermi ingerlariaatsinik pitsaasunik ukkataqarluni workshoppertoqarpoq.

Kommunit sinneri suliniummut annertuumik soqutiginnipput, soorluttaaq Kalaallit Nunaanni meeqqat atuarfiini atuartut, Qeqqata Kommuniani aamma Kommune Kujalleq-mi digitalitigut periarfissaqalerniassammata, suliniutip ingerlateqqinneqarnissaanut aningaasaateqarfiit arlaqartut tapiissuteqarnissaminnut piareersimallutik.

iPad-imik suliniut teknikkikkut, pingaartumik wifi-mik båndbredde-millu amigaateqarnikkut annertuumik unammillernartoqarsimavoq, immap naqqatigulli kabeleqalernikkut ajornartorsiutit taakku qaangerneqarsinnaassasut naatsorsuutigineqarpoq.

Suliniuteqarfik **3) oqaatsinik atuartitsineq, pingaartumik tuluttoorneq** eqqarsaatigalugu, Qeqqata Kommuniani akunnernut agguataarinermut pilersaarut nutaaq 2015-imi februaarimi kommunalbestyrelsip akuersissutigivaa, tamatumanilu siusinnerusumut sanilliullugu tuluttoortitsinernut qallunaatoortitsinernullu akunnerit amerlanerujussuit, matumani 1. klassimi tuluttoortitsisarnissap aallartisarneqarnissaanut immikkoortinneqarlutik.

Suliniuteqarfiup taassuma ataani Atammimmi Kangaamiunilu Granny Cloud aallartinneqarpoq, tamatumani allamiut oqaasiinik atuartitsinissamut immikkut ilinniagaqarsimasut tuluttut oqaasillit nammineq kajumissusertik atorlugu atuartitsisoralugit skype atorlugu nunaqarfinni atuartut tuluttut atuartinneqarlutik. Nunaqarfiit taakku angissusaat, internetsimillu atuineq patsisaallutik Skype-kkut iluamik attaveqarniarneq ajornartorsiutigineqarsimavoq, taamaattumillu suliniut taanna unitsinneqarallartariaqarsimalluni. Taamaattorli Granny Cloud Napasumi aallartisarneqarnikuuvoq.

Assinganik Nunavut Qeqqata Kommuniatalu illoqarfiini atuarfinni klassit, digitaali atorlugu imminnut attaveqalernissaanut periarfissat misissorneqarput, kisianni immap naqqatigut kabeli utaqqineqarpoq. Vordingborg-imi Internationale seminarium suleqatigineqalernikuuvoq, taamaalilluni ilinniartitsisunngorniat tuluttut oqaasillit Qeqqata Kommuniani suliffimmik misiliisinnaallutik. Tamanna 2016-imi qaammatit pingasukkaarnerata sisamaanni Maniitsumi ilinniartitsusunngornianik marlunik misiliisoqarluni aallartinneqarpoq.

Tamatuma saniatigut attaveqaatit assigiinngitsut aqutugalugit, meeqqat atuarfiini tuluttut ilinniartitsisunik pissarsiornissaq sulissutigineqarpoq. Atuartut amerlanerusut oqaatsinik ilinniariarlutik nunanut allanut angalasartut amerlisarneqarnissaat, suleqatigiinnissamik isumaqatigiissutitigut aamma anguniarneqarpoq.

Suliniuteqarfik **4) ersarinneruneq** eqqarsaatigalugu, ukiumut nalunaarutit, pitsaassutsikkullu nalunaarutit tamanut saqqummiunneqartassapput, soorluttaaq Qeqqata Kommunianut pitsaassutsikkut nalunaarusiaq ataatsimoorusaaq suliarineqaleruttortoq. Taanna kommunip nittartagaaniippoq.

Suliniutip taassuma ataani aamma atuarfinni aqutsisunut akunnerit ilanngunneqarput, taamaalillutik ullormut atuarnep aallartinnerani, angajoqqaanik ataatsimiisitsinerni il.il. ersissinnaaniassammata.

Tamatuma saniatigut atuartunut angusarissaarlutik atuarunnaartartunut kajumissaasiisalernissaq suleqatigiinnissamik isumaqatigiissutigut anguniarneqarpoq, tamannalu meeqqat atuarfiat nuannersumik eqqarsaatigineqarluni annerusumik ersarissutigilersinnaavaa. Suliniarfissap tullia aamma innersuussutigineqarpoq.

Suliniuteqarfik **5) nakkutilliineq attaveqaqatigiinnerlu** eqqarsaatigalugu, meeqqat atuarfiannut nakkutilliinermut attaveqaqatigiinnermullu pilersaarut 2015-imi aggustimi kommunalbestyrelsip akuersissutigivaa. Tamatuma kingunerisaanik ukiut tamarluinnaasa atuarfinni tamani nakkutilliinermik

suliaqartoqartassaaq kiisalu arlalinnik suliniuteqarluni attaveqaqatigiinnermut pilersaarusiortoqartassalluni, matumani Ilinniartitaanermut, Kulturimut Sunngiffimmilu ataatsimiititaliap atuarfiit pulaarlugit atuarfinni siulersuisunik ataatsimeeqateqartarnissaat ilanngullugu, soorluttaaq ilinniartitaanermut pisortat atuarfinnik ilinniartitsisunillu ataavartumik ataatsimeeqateqartassasut.

Suliniuteqarfik **6) meeqqat atuarfiat tamanik isiginnissuseqartoq** eqqarsaatigalugu, pingaartumik nunaqarfinit atuariartortut akuutinneqarnerat, lektiecaféqartitsillunilu misiliutitut suliniutit assigiinngitsut, atuartitsinermilu inuutissarsiuteqartut akuutinneqarnissaat sammineqarput.

Nunaqarfinit atuartut akuutinneqarnerata ataani 2016-imi novembarimi kommunalbestyrelsip skolehjemmimi sulisut katitigaanerat allanngortinnikuuaa sulisullu amerlillugit, taamaalilluni skolehjemmi atuartunik annertunerusumik tapersersuisinnaangorlugu. Atuiluartaunissamik suliniutini arlalinni angajoqqaanik suleqateqarnerup pitsanngorsarneqarnissaa aamma nunaqarfinit atuarfinnik qaninnerusumik ataqatigiissaarisarnissaq immikkut sammineqarpoq, soorluttaaq nunaqarfinit atuarfinit illoqarfinit tikeraarnerit pitsaasunik inerneqarnikuusut. Meeqqat atuarfiat tamanik isiginnissuseqartumi, Maniitsumi meeqqerivimmik atuarfinit ikaarsaartitsivimmik pilersitsineq suliniutit ilagivaat.

#### Atuiluartaunissakkut kingunerisinnaasai

Kommunalbestyrelsip meeqqat atuarfiannut suliniuteqarfiinik anguniaagaanillu ataatsimut paasinninnissaq ersarinnerulernissarlu pingaaruteqarpoq.

#### Aningaasaqarnikkut allaffissornikkullu kingunerisinnaasai

Suliniuteqarfiit aningaasaqarnikkut kinguneqarnissaat pisariaqavinngilaq, suliniuteqarfiilli ilaat suliniutit naammassineqarnissaanut siusinnerusukkat immikkut aningaasaliiffigineqarnikuullutik.

#### Allaffeqarfiup naliliinera

Allaffeqarfiup nalilerpaa, arfinilinnik suliniuteqarnissaq kiisalu tamanna pillugu paasissutissiisarnissap annertunerusumik immikkut sammineqarnissaa tulluartausoq. Taamaalilluni ilaatigut kommunip nittartagaatigut il.il. ersarissarneqarnissaa pisariaqartinneqarpoq.

#### **Innersuussut**

Allaffeqarfiup innersuussutigaa, Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap suliaq eqqartussagaa, ilassuteqarfisagaa iluarsiissuteqarfisagaa kiisalu meeqqat atuarfiini suliniarfissat siuliani nassuiarneqartut ingerlatiinnarnissaat akuersissutigisagaa.

### **Aalajangiineq**

- Tulliuttut suliniuteqarfinnut ilanngunneqartussatut aalajangiunneqarput:
- Tamat isiginnissuseqartumik meeqqat atuarfianut suliniummut, meeqqat immikkut pisariaqartitsisunut sulineq, suliniuteqarfinnut ilanngunneqarpoq.
- Atuartut atuagarsornikkut piginnaasaat qaffakkumallugit, ilinniartitsisut atuagarsornikkut ilikkarnartumik piginnaasaannik (fagdidaktiske kompetencer) ineriartortitsinissaq kiisalu ukiumut pilersaarutit sammineqassapput.

### **Ilanngussat**

1. 2015-imi februaarip 26-ani KB-p ataatsimiinneranit imaqarniliaq, imm. 23: akunnernik agguataarinermut pilersaarut
2. 2015-imi aggustip 28-ani KB-p ataatsimiinneranit imaqarniliaq, imm. 15: nakkutilliinermut attaveqaqatigiinnermullu pilersaarut
3. 2015-imi aggustip 28-ani KB-p ataatsimiinneranit imaqarniliaq, imm. 16: anguniakkat suliniuteqarfiillu
4. 2016-imi novembarip 24-ani KB-p ataatsimiinneranit imaqarniliaq , imm. 4: Maniitsoq skolehjemmi

**Imm. 08 Meeqquerininni ullup-qeqqasiortitsinernut 2012-imiit 2016-imut atuisunt akigititamut Hotel Sisimiunut akiliinikipallaarsimaneq pillugu paasissutissiissut**

- *Journal nr. 44.03.06*

Tunuliaqutaq

Sisimiut illoqarfiani 2012-imiit 2016-imut meeqqerivinni meeqqanut nerisassanik pajuttarneq pillugu isumaqatigiisummit kukkulluni annikinaarillunilu akiliisarsimanermi takussutissamik Hotel Sisimiut-nit 2017-imi februaarip aappaani Qeqqata Kommunia tigusaqarpoq.

Maleruagassanut tunngavissat

Qeqqata Kommuniani karseqarnermut naatsorsuuserinermullu malittarisassat

Pissutsit atuuttut

Sisimiut illoqarfiani meeqqerivinni meeqqanut nerisassanik pajuttarnermut isumaqatigiisut, 2012-imi aggustip 15-ani atsiorneqartumi aammalu 2012-imi oktobarip 15-ani atuutilersinneqartumi § 4 imm. 4.3-mi allassimavoq, Kalaallit Nunaanni Naatsorsueqqissaartarfiup atuisunut akigititanik naleqqersuutaa malillugu ukiumut suliasat aningaasartaat akigitug naleqqussarneqartassaaq, siullermik 1. januar 2013..

Sisimiut illoqarfiani meeqqerivinni meeqqanut nerisassanik aggiussisarneq pillugu Isumaqatigiisut 2012-imiit 2016-imi oktobarip 15-iata tungaanut atuuttuusoq Kukkunersiuisut BDO misissornikuuvaat, aammalu tamakkiisunut (nioqqutissanut tullissinernullu) atuisunut akigititanut aningaasat tamarmik atorqearsimallutik.

Nioqqutissanut sullissinernullu tamanut Atuisunut akigititanut atorqearsimanerannut BDO tunngavilersuutigaa, isumaqatigiisummi pingaarnertut siuertaasumi aallaavigisaq atorqearsimasoq, tassaasorlu nioqqutissanik suliarineqanngitsunik piseriarluni, suliareriarlugit meeqqerivinnut pajugutigisarlugit. Tamassuma malitsigisaanik attuumassuteqartariaqarpoq, sulinermi akissarsiat, ineqarnermut akliutit, innaallagiaq, imeq kissarnerlu kiisalu assartuineq ilaassammat.

Atuisunut akigititaq qaffakkiartorpoq aammalu 2013-imut, 2014-imut, 2015-imut 2016-imullu missingersuutini isumaqatigiissutinut tunngatillugu nalimmassarneqarnikuunani.

Atuilluartuunissakkut kingunerisinnaasai

Atuilluartuunissakkut kingunissaqanngilaq

Aningaasaqarnikkut allaffissornikkullu kingunerisinnaasai

Ukiunut 2013 - 2014 - 2015 aamma 2016-imut, Sisimiut illoqarfiani meeqqerivinnut meeqqanut nerisassanik aggiussisarneq pillugu isumaqatigiisummut Hotel Sisimiunut atuisut akigititaannut 384.766,94 koruuninik amigartumik akiliisoqartarsimasoq Kukkunersiuisut BDO naatsorsornikuuaa.

Allaffeqarfiup naliliinera

Allaffeqarfik naliliivoq, kukkunersiuisut BDO naatsorsuinerat malinneqartariaqartoq aammalu akigititap amigartumik akilerneqarsimaneq, 2017-mi aggustip 31-ani Hotel Sisimiut-nut akilerneqassasoq.

Ukioq naatinngagu atuiffik 5 iluani aningaasat allaffeqarfiup pissarsiarissavai.

**Innersuussut**



- *Ilinniartitaanermut, Peqqinnermut, Sunngiffimmi sammisassanut Kultureqarnermullu ataatsimiititalip oktoberip 2 2017-imi ileqquusumik ataatsimiinneram 07/2017*

Suliaq Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut tusaatisatut tigusassanngorlugu saqqummiunneqarpoq.

### **Aalajangiineq**

- Innersuussut tusaatissatut tiguneqarpoq.

### **Ilanngussat**

2012-imiit 2016-imut meeqqerivinni ullup-qeqqasiortitsinernut atuisunut akigititat, BDO-mit naatsorsorneqartut

Hotel Sisimiut-nut allakkat

## **Imm. 09 Qeqqata Kommunanut Kukkunersiuisut nalunaarutaat nr. 26**

*Journal nr. 44.03.06*

### Tunuliaqutaq

Kommunit kukkunersiuisuisa uku nassiunnikuuat:

Ukioq naatsorsuusiorfiusumut 2016-imut naatsorsuutinik kukkunersiuiineq - ukiumut naatsorsuusiorfiusumut 2016-imut inaarutaasumik nalunaarut nr. 26.

2017-imi aggustip 31-ani Aningaasaqarnermut pisortaq, ataatsimiititalianut tunngasunut Kukkunersiuisut oqaaseqaataannut ataatsimiititaliat akissuteqarnissaannik qinnuiginikuuai.

### Maleruagassatigut tunngavissat

Aqutsinnermut inatsimmi § 48 imm. 5 naapertorlugu, kukkunersiuisut oqaaseqaataat kommunalbestyrelsimit akineqartussaataapput, aalajangiisoqareerpallu akissuteqaatit Nakkutilliisoqarfimmut nassiunneqassallutik.

### Pissutsit atuuttut

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap akisussaaffiinit, Kukkunersiuisut nalunaarutaat nr. 26-itigut tullinnguuttunik oqaaseqaateqarput.

Illup iluani nakkutilliinermut 1.5.2.4 tunngasut pillugit tullinnguuttutigut kukkunersiuisut oqaaseqaateqarput:

Tuniniaasunut namminersortunut isumaqatigiissutigineqartuni immikkoortunik Kukkunersiuisut misissuisimapput. Misissuinermit kukkuluttortarnerit tullinnguuttut saqqummiunneqarput:

- Ukiumut akitigut naleqqussaansamut tuniniaasoq kommunilu isumaqatigiinngillat
- Akitigut naleqqussaansamut kukkusumik naatsorsuisoqartarpoq
- Akitigut naleqqussaasoqarsimangilaq

Sisimiut illoqarfiani meeqqerivinni meeqqanut nerisassanik pajuttarnermut isumaqatigiissut, 2012-imi aggustip 15-ani atsiorneqartumi aammalu 2012-imi oktobarip 15-ani atuutilersinneqartumi § 4 imm. 4.3-mi allassimavoq, Kalaallit Nunaanni Naatsorsueqqissaartarfiup atuisunut akigititanik naleqqersuutaa malillugu ukiumut suliasat aningaasartaat akitigut naleqqussarneqartassaaq, siullermik 1. januar 2013.

Sisimiut illoqarfiani meeqqerivinni meeqqanut nerisassanik aggiussisarneq pillugu Isumaqatigiissut 2012-imiit 2016-imi oktobarip 15-iata tungaanut atuuttuusoq Kukkunersiuisut BDO misissornikuuat, aammalu tamakkiisunut (nioqqutissanut sullissinernullu) atuisunut akigititanut aningaasat tamarmik atorneqarsimallutik.

Nioqqutissanut sullissinernullu tamanut Atuisunut akigititanut atorneqarsimanerannut BDO tunngavilersuutigaa, isumaqatigiissummi pingaarnertut siunertaasumi aallaavigisaq atorneqarsimasoq, tassaasorlu nioqqutissanik suliarineqanngitsunik piseriarluni, suliareriarlugit meeqqerivinnut pajugutigisarlugit. Tamassuma malitsigisaanik attuumassuteqartariaqarpoq, sulinermit akissarsiat, ineqarnermut akiliutit, innaallagiaq, imeq kiassarnerlu kiisalu assartuineq ilaassasut.

Atuisunut akigititaq qaffakkiartorpoq aammalu 2013-imut, 2014-imut, 2015-imut 2016-imullu missingersuutini isumaqatigiissutinut tunngatillugu nalimmassarneqarnikuunani.

### Atuilluartuunissakkut kingunerisinnaasai

Ukiut tamaasa akigititat nalimmassartuarnissaat atuilluartuuneruvoq.

### Aningaasaqarnikkut allaffissornikkullu kingunerisinnaasai

Ukiunut 2013 - 2014 - 2015 aamma 2016-imut, Sisimiut illoqarfiani 2012-imit 2016 tikillugu meeqqerivinnut meeqqanut nerisassanik aggiussisarneq pillugu isumaqatigiissummut, Hotel Sisimiunut atuisut akigititaannut 384.766,94 koruuninik amigartumik akiliisoqartarsimasoq Kukkuersiuisut BDO naatsorsornikuuaa.

### Allaffeqarfiup naliliinera

Allaffeqarfik naliliivoq, kukkuersiuisut BDO naatsorsuinerat malinneqartariaqartoq aammalu akigititap amigartumik akilerneqarsimanera, 2017-mi aggustip 31-ani Hotel Sisimiut-nut akilerneqassasoq.

Ukioq naatinnagu atuiffik 5 iluani aningaasat allaffeqarfiup pissarsiarissavai.

### **Innersuussut**

Suliaq Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut tusaatissatut tigusassanngorlugu saqqummiunneqarpoq.

### **Aalajangiineq**

Innersuussut tusaatissatut tiguneqarpoq

### **Ilanngussat**

2012-imiit 2016-imut meeqqerivinni ullup-qeqqasiortitsinernut atuisunut akigititat, BDO-mit naatsorsorneqartut  
Hotel Sisimiut-nut allakkat

## **Imm. 10 Atuartut angerlarsimaffiata illutaanik attartortitsinermit isertitat missingersuutaat**

*Journalnr. 09.09*

Tunuliaqutaq:

2017-imi januaarip 30-ani Ilinniartitaanermut, Kultureqarnermut Sunngiffimmullu ataatsimiititaliap ileqquusumik ataatsimiinnerani, atuartut angerlarsimaffiata illutaata aappaata efterskolemum attartortinneqarneranik ataatsimiititaliaq paasissutissiivigineqarpoq. Maniitsumi Efterskolip ilinniartunut inaataani oqummik nassaartoqarnera pequtugalugu ilinniartut inaat 2017-imi ukiortaamiit najugaqarfigeqqusaajunnaarpoq. Ukiut ingerlanerini Qeqqata Kommuniata atuartunut angerlarsimaffiutaani najugaqartut ikiliartuinnalersimmamata, nunaqarfinni meeqqat amerlassusiisa ikiligaluttuinnarneri pequtaallutik, atuartut angerlarsimaffiini najugaqartut tamarmik ataatsimut atuartut angerlarsimaffiata aappaanut 2017-imi januaarip 16-ani ataatsimoortinneqalersimapput. 2017-imi januaarip 17-ianili efterskolip nivarsiaqqat 24-t inissiap aappaanut nuutsippai. Atuartut angerlarsimaffianni pisortap tullia 2017-imi januaarip aallartilaaginnartoq soraarniuteqarnikummat, efterskolimullu attartortitami atorffimminut atatillugu ineqarnini 2017-imi januaarip 27-ani qimammagu, efterskolip inissiaq taanna aamma tiguaa. 2017-imi januaarip 18-ianiit 2017-imi juunip 30-ata tungaanut atuuttussamik efterskoli attartortitsinermit isumaqatigiissummik atsioqatigineqarpoq. Qaammammum attartornermut akiliutissaq 35.500,- koruuniussaaq.

Efterskolip ilinniartunut inaataata iluarsartuunneqarnera 2018 nallertinnagu naammassineqarnissaa naatsorsuutigineqanngimmat, efterskolip attartornini 2017-ip naanissaata tungaanut sivitsueratarnissamik periarfissalerlugu sivitsuisoqarnissaa kissaatigisimavaa. Piffissami 2017-imi juulip 15-ianiik decembarip 31-anut sivitsorneqaqqinnissaanut periarfissalerlugu attartornermut sivitsuinermit atsioqatigiittoqarpoq.

Ukiumi atuarfiusumi 2017/18-imi atuarfiup angerlarsimaffianni najugaqartut qulingiluapput, tamarmillu illuutip aappaaniillutik. Efterskolimut pisortaq, atuartut angerlarsimaffianni aqutsisoq aamma ilinniartitaanermut pisortaq qaammatit tamaasa ataatsimiittarput, attartortitsinerimmullu suleqatigiinnermik ataqatigiissaarisarlutik kisianni aamma efterskolip atuartullu angerlarsimaffiata akornanni perorsaanikkut suleqatigiinnermut tunngasutigut.

Atuiffik 51-11-20-71-00 atuartut angerlarsimaffiata atuiffiata ataani: attartortitsinermit isertitat, efterskolimiiit attartortitsinermit isertitassat 2017 tamakkerlugu 390.500 koruunit tikissagaat naatsorsuutigineqarpoq.

Ilinniartitaanermut immikkoortortaq siunnersuivoq, taakkua attartortitsinermit isertitassat suliniutinut marlunnut ataani allaqqasunut atorneqassasut.

Taakkua saniatigut pisortap pisortallu tulliaata ineqarnermut akiliutai atuiffimmi attartornermit isertinneqartarput. Atuartut angerlarsimaffianni pisortaq atuartut angerlarsimaffianni suliffimmum atatillugu inissiami najugaqarpoq ineqarnermullu akiliuteqartarluni. Atorffik taanna allanngortinneqassanngilaq atuartullu angerlarsimaffianni naligiissaarinermit ilanngunneqartassalluni.

Maleruagassatigut tunngavissat

Qeqqata Kommuniani karseqarnermut naatsorsuuserinerimmullu malittarisassat

Immikkoortoq 2. 3 Ataatsimiititaliaq:

Ataatsimiititaliat ataavartut siulersugassaraat imminnut suliassiissutigineqartut ukiumoortumik aningaasanut missingersuusiap akuerineqarsimasup iluani aammalu kommunalbestyrelsip akuersissutigisimasai allat naapertorlugit. Ataatsimiititaliat ataavartut aningaasat akuerineqarsimasut atuinermit nikingannginnissaat nakkutigissavaat aammalu aningaasaqarnermut ataatsimiititaliaq aqutugalugu kommunalbestyrelsimut siunnersuuteqassallutik aningaasat ilassutissatut akuersissutissat kissaatiginartutut pisariaqartutulluunniit isumaqarfiginarpata.

### Pissutsit atuuttut

Suliniutip aappaa oktoberip qiteqqunnerani aallartinneqassasoq siunnersuutigineqartoq, ikorfartortimut suliniutaavoq Sapiik Kalaallit Meerartaasa Kattuffiata ataaniittoq.

Anguniagaqarfyllutik 9. klassit marluk Atuarfik Kilaaseeqameersut, kiisalu atuartut angerlarsimaffianni najugaqartut tamarmik. Suliniutip ingerlanissaa 2017-imi oktoberip qeqqaniit 9. klassit marluullutik 2019-imi juunimi 10. klassitut meeqqat atuarfianni naammassinissaata tungaanut pissaaq.

Sapiik-mi pingaarnertut anguniagassaq tassaavoq, inuusuttunik meeqqat atuarfianni naammassinnittunik ilinniagaqarqinnissamut kajumissaarinissaq.

Sapiik-mi sukumiisumik anguniagassat tassaapput, inuusuttut sanngiinnerusut imminnut tatiginerannik, atuarfimmi peqataasinnaassusaannik, siunissami sapiissusissaannik, ilisimasaqassusaannik siunissamilu periarfissanut assigiinngitsunut takorluuisinnaassusaannik nukittorsassallugit - qulaanilu taaneqartut atorlugit meeqqat atuarfianni naammassilerunik ilinniagaqarqinnissaminnik toqqaaniassammata.

Illoqarfimmi suliniummi suleqataasut inuusuttunik sapaatip akunneranut ataasiarlutik Sapiik-mi sammisassat pillugit naapittassavaat: sammisassat inunnik isumaginninnermut, imminut tatigisinaanermut ilinniagaqarnissamullu tunngassutillit, ilaatigut sumiiffimmi suliffeqarfiit peqatiginerisigut pisassallutik. Sammisassat, ulluinnarlugu suliffimmik misiliinissat allallu pillugit suliffeqarfiit arlallit isumaqatigiissuteqarfigineqassapput.

Sapiik suliniummut assingusut nalilersornerisa inernerisa takutippaat, inuusuttut Sapiik-mut peqataasut 80 procentiisa missaat inuusuttunut ilinniaqqiffissanut qinnuteqartartut. Nuna tamakkerlugu kisitsisit 50 procentimiipput.

Suliniummi sulisorineqartut marluk atuarfimmi atorfeqanngitsut, sapaatip akunneranut immikkut akunnernik arfineq-marlunnik pisarput, atuarfiup avataani sammisassanut atugassat. Inuusuttut sapaatip akunneri tamaasa suliniummi sulisunik marlunnik naapitaqartarput, sammisaqartitsinerillu ilinniagaqarnissamut inunnullu isumaginninnermut tunngassutillit aqutigalugit inuusuttut imminnut tatiginerat annerulertarpoq pitsaanerumillu ataqatigiilerlutik, tamannalu atuarfimmi atuagarsornermut pissarsiassanut sunnuteqartarpoq, inuusuttunullu siunissami takorlugaannut oqaasinnguititsisarlu ni meeqqallu atuarfiata naammassereernerani ilinniagaqarqinnissamut aalajangiisitsisarlu ni.

Suliniutip aappaani tarnit pissusiinik ilisimasalik Peter Berliner peqatigineqarpoq. Peter Berliner Danmarks institut for Pædagogik og Uddannelse-mi Århus-ip Universitet-iani ilisimatusartuuvoq, inunnut isumaginninnermi ilikkarsinnaassutsit ineriartorsinnaassutsillu pillugit ingammik inuiaqatigiinni katsorsaataasumik ilikkarniarnermut tunngasutigut. Suliniut ”Siunissaq”-mi suliniutip ilaattut ilusilersorneqarpoq. Peter Berliner Paamiut Asasara-mi aallartitsisuuvoq, taanna Paamiuni innuttaasunik peqataatitsinikkut angusanik uppernarsakkanik kusanarluinnartunik angusaqarsimasooq. Suliniutip aallartinginnerani aallartereerneranilu allattugaatigineqarput, tassani pinerluttarneq, persuttaasarneq, imminut toquttarneq allarpassuillu malunnaatilimmik appariaateqarsimallutik.

Maannakkut Berliner-ip Nanortalimmi Tasiilamilu suliniutit assingusut sumiiffimmi aalajangersimasumi ingerlanneqartussat suliarivai.

Suliniut Siunissaq aamma suliniut Sapiik kiisalu Ilinniartitaanermut immikkoortortaq suleqatigiillutik, suliniutit taakkua marluk ilusilersorsimavaat imminnut tulluarsarlugit, aammalu 9. klassinut atuarfiullu angerlarsimaffianiittunut meeqqanut tulluarsarsimallugit.

Eqimattat inuusuttut taakku suliniummi Sapiik-mituulli eqimattattuut issapput. Sapiik-mi sumiiffimmi suliniummi suleqataasut marluk aamma suliniummi Siunissaq-mi suleqataassapput, suliniutillu marluutillugit ataqatigiissarneqassallutik imminnut tapertariissilerlugit.

Suliniut Sapiik oktobari qiteqquppat aallartissaaq, tassani inuusuttut imminnut ilinniassallutik suliniummillu aallartitsissallutik. Oktoberip naanerani suliniut Siunissaq takkuttissaaq workshop-ilu nr. 1 aamma 2 ingerlanneqassalluni, eqimattamik taannaqqissaaq ilaliunneqassalluni. Assinganillu 2018-imi upernaap ingerlanerani workshop nr. 3 ingerlanneqassalluni. 2018-imi ukiakkut Workshop nr. 4

ingerlanneqassaaq, eqimattaat 9. klassit 10. klassinngoreersimalerpata. Tamatumanilu Sapiik-mi suliniummi aqutsisut peqatigalugit inuusuttut ataatsimut sammisaqartinneqareerpata ilaatigut suliniut Sapiik-miit worksop-imi sammisarissimasat suliareqqinneqassallutik.

Suliniutit marluullutik 2018-imi aamma 2019-imi ingerlaannassapput, massakkullu 9. klassiusut 10. klassernerini inaarutaasumik misilitsinnissaasa tungaanut malinnaavigineqassallutik.

Qeqqata Kommunianilu nunaqarfimmi atuarfiit marluk 9. klasseqarlutillu 10. klasseqartut Sapiik-light-imut uani ilanngunneqassapput, atuartullu Maniitsumukartinneqassallutik workshop-imut peqataajartorlutik. 2017-imi ukiap ingerlanerani suliniut nutaarluinnaq ilusilersorneqassaaq, massakkut sulinermi taaguutigisaaq atuinnarlugu: Nunaqarfimmi atuarfinnut Sapiik Light, Kangaamiuni Kangerlussarmilu nunaqarfimmi atuarfiit suleqatigalugit, 2018-imi januaarimi aallartinneqartussaaq. Tamanna siornatigut misilinneqarnikuunngilaq, taamaammat nunaqarfinni atuarfiit peqatigalugit piareersarneqassalluni.

Suliffissarsiuussisarfiup, Ilaqutariinnermut immikkoortup meeqqallu atuarfiisa suleqatigiinnerisa ataanniit aqutsisoqatigiit suliaasaq tigusimavaa, aammalu meeqqanut inuusuttunullu immikkut pisariaqartitsisunut imaluunniit immikkut suliniutaasussanut suliaasat tigungmissallugit, suliniutit taakku marluusut ingerlaneranni meeqqat peqataasut akornanni inunnik isumaginninnikkut suliaasanik imaluunniit immikkut pisariaqartitsinernik takkuttoqaratarnissaa peqqutigalugu. Aqutsisoqatigiit suliaasanik ingerlatitseqqiinnissaminut pisussaaffeqarput, assersuutigalugu ilaqutariinnut kiffartuussivimmut allanulluunniit.

#### Atuilluartuunissakkut kingunerisinnaasai

Qeqqata Kommuniata inuusuttut meeqqat atuarfiannik naammassinnissimasut ilinniagaqaqqinnissamut ingerlaatsimi ingerlaqqinnissaat soqutigisarivaa. Ataatsimiititaliap missingersuut ukununga suliniutinut marluusunut akuersissutigisinnappagu aallartinneqarsinnaalissapput. Suliniutit uku marluk ilutigalugit inuusuttut meeqqat atuarfiannik naammassinnissimasut ilinniagaqarlutik ingerlaqqinnissaannut periarfissat qaffaannarnagit, kisianni aamma meeqqat atuarfianniit inaarutaasumik misilitsereernerup kingorna ilinniagaqaqqinnerullu aallartereernerata kingorna uniinnaratarsinnaaneq annertuumik appartinneqassaaq.

#### Aningaasaqarnikkut allaffissornikkullu kingunerisinnaasai

Atuiffik 51-11-20-71-00 atuartut angerlarsimaffiata atuiffiata ataani: attartortitsinermi isertitat, efterskolimiit attartortitsinermut isertitassat 2017 tamakkerlugu 390.500 koruunit tikissagaat naatsorsuutigineqarpoq. Attartortitsinermut isertitat atuiffimmut nutaamut 51-11-20-20-10 "Atuurtut angerlarsimaffiata ataani suliniutit" nuutsinneqarnissaat siunnersuutigineqarpoq.

Sapiik-mut missingersuutinut siunnersuummut tunngatillugu suliniut tamaat katillugu 428.256 koruuninik akeqassaaq, massakkut 9. klassiusunut 10. klassimi inaarutaasumik misilitsinnissaat juunimi 2019 tikillugu ingerlatsinermut. Sapiik aningaasaateqarfinniik aningaasalersorneqaralarpoq, kisianni Peqatigiiffik Kalaallit Meerartaat-nut isumaqatigiissut juulip aallartilaarnerani aallartimmat suliniutip oktobarimi 2017-imi aallartinnissaanut aningaasaateqarfiit utaqqinnissaannut kingusinaartoqareerpoq. Taamaammat Maniitsumi Ilinniartitaanermut immikkoortortap innersuussutigaa, suliniummut piffissarititaq 2017-imi oktobarimiit decembarimut, efterskolimiit attartortitsinermut isertitaniit matussuserneqassasoq, suliniummut anguniagaasut tassaammata atuarfiup angerlarsimaffiini najugaqartut.

2017-imi Sapiik-p ingerlannissaanut aningaasartuutissat 84.758 koruuniupput.

Suliniut Siunissaaq naapertorlugu missingersuutaagallartut 329.420 koruuniupput. Aningaasartuutissat 2017-imut 152.710 koruuninut 2018-imullu 176.710 koruuninut agguataaqqapput.

Atuiffik ”Atuarfiit angerlarsimaffiata ataani suliniutit” suliniutinut taakkununga marlunnut atorneqassasoq siunnersuutigineqarpoq, suliniut Sapiik aamma suliniut Siunissaq, missingersuut tulliuuttoq malillugu:

2017-imi attartortitsinermit isertitassat	kr. 390.500,-
2017-imi Sapiik	kr. 84.758,-
<u>2017-imi Siunissaq</u>	<u>kr. 152.710,-</u>
2017-imi katillugit	kr 237.468
Sinneruttut	kr. 153.032

Qeqqata Kommuniani nunaqarfinni atuarfiit marluk taamaallaat 9. klasseqarlutillu 10. klasseqarput. Tassaallutik Kangaamiut aamma Kangerlussuaq. Aningaasat sinneri massakkut Kangaamiuni Kangerlussuarmilu 9. klassimi atuartut oktoberimi 2017-imi workshop-imut peqataatinnaannut atorneqassasut siunnersuutigineqarpoq. Taamaattoqassappat aningaasat inuusuttut taakkua billetsissaannut najugaqartinnissaannullu atorneqassapput.

Efterskolip suli naatsorsuutigaa illu 2018-imi aasap tungaanut attartussallugu, taamaammat eqqoriarneqarsinnaalluni Qeqqata Kommuniata suliniutinut marlunnut upernaamut missingersuutip ilaa suli akilissagaa. Suliniutit marluullutik suliniutinut taakkununga aningaasaateqarfiit aningaasaliinissaannut qinnuteqareerput, taamaattumik naatsorsuutigineqarluni suliniutit 2018-imi 2019-imilu annertusiartortumik aningaasaateqarfinniit aningaasaliiffigineqartassasut.

#### Allaffeqarfiup naliliinera

Inuusuttut ilai meeqqat atuarfiini inaarutaasumik misilitsinnerup kingorna, ilinniagaqaqqinnissamut ingerlaqqinneq ajortut suliniuteqarfissaapput Qeqqata Kommuniata pimooruttariaqagai. Ilinniartitaanermut immikkoortortap nalilerpaa, inuusuttut ilai ilinniagaqaqqinnissaminnut ingerlaqqinneq ajortut suliniutit uku marluusut aallartinneqarsimalerpata annertuumik appartinneqarsinnaassasut, ilutigalugulu ilinniagaqaqqilluni aallartereernermi uniinnaratarsinnaanissaat annertuumik apparneqarsinnaassallutik. Inuusuttut tatitussusaat perungassusaallu suliniutit aqutigalugit nukittorsarneqarsinnaasut nalilerneqarpoq. Suliniutit inerneru malitseqartinneqaannaavissapput allatorneqartassallutillu. Suliniutit nalilersorneqartassapput, ataatsimiititaliarlu suliniutit inernerinik paasissutissiivigineqartassalluni.

Suliniutit marluusut anguniagaqarfii tassaapput meeqqat atuarfiini klassit angajullit, aammalu Kangaamiut Kangerlussuarlu taamaallaat 10. klassi tikillugu atuartuuteqarlutik. Suliniutit taakku ikiorsiullugit aamma nunaqarfinni atuarfiit marluusut atuartuutai naammassisussat aasaanerani atuannigiffeqareernerup kingorna 10. klassinngortussat kivinneqassapput, massakkut 9. klassiunerini suliniummut ilanngutitinneqarnerisigut.

#### **Innersuussut**

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut innersuussutigineqarpoq:

atuiffik 51 11 20 20 10-p Atuartut angerlarsimaffiisa ataanni suliniutinut pilersinneqarnissaa akuersissutigineqassasoq  
390.500 koruunit atuiffimmit 51-11-20-71-00 ”Attartortitsinermit isertitat” atuiffimmut 51-11-20-20-10 Atuartut angerlarsimaffiisa ataanni suliniutinut nuutsinneqarnissaat akuersissutigineqassasoq  
atuiffimmut 51 11 20 20 10 Atuartut angerlarsimaffiisa ataanni suliniutinut missingersuut akuersissutigineqassasoq

**Aalajangiineq**

- Innersuussut akuersissutigineqarpoq.

**Ilanngussat**

Efterskolimut isumaqatigiissut 2017-imi juulip 15-ianiit atuutilersoq

Sapiik Maniitsoq Ukioq atuarfiusoq 2017-2018 kiisalu 2018-2019

Missingersuut: Sapiik Maniitsumi 2017-2019.

Ukioq atuarfiusup 2015-2016 nalilersorneqarnera. Sapiik – ikorfartortitut suliniut Nuuk, Ilulissat aamma

Qaqortoq. Foreningen Grønlandske Børn (Peqatigiiffik Kalaallit Meerartaat)

Suliniummot nassuiaat: Siunissaq Maniitsoq 2017 – 2019

Missingersuut Siunissaq – Maniitsoq 2017 – 2018

Qarasaasiami nittartakkat

<http://www.fgb.dk/sapiik/>

<http://siunissaq.gl/>



- *Ilinniartitaanermut, Peqqinnermut, Sunngiffimmi sammisassanut Kultureqarnermullu ataatsimiititalip oktoberip 2 2017-imi ileqqusumik ataatsimiinneram 07/2017*

-

**Imm. 11 Tamalaat.**

Soqanngilaq

**Ataatsimiinneq naammassivoq nal.**

- *Ilinniartitaanermut, Peqqinnermut, Sunngiffimmi sammisassanut Kultureqarnermullu ataatsimiititalip oktoberip 2 2017-imi ileqqusumik ataatsimiinneram 07/2017*

-